



DEPORTE  
GALEGO

# CAMPIONATO AUTONÓMICO SALMÓNIDOS MOSCA 2024,

DÍAS 4 E 5 DE MAIO NO COUTO DE PONTELIÑARES – RÍO LIMIA

## PROGRAMA (Para ámbolos días)

07:30 horas		Recepción dos participantes no escenario da proba. Sorteo de dorsais e entrega de documentación
08:30	“	Inicio da 1ª manga
10:30	“	Finaliza a primeira fase. Cambio de pescador e control.
11:15	“	Inicio segunda fase
13:15	“	Fin da 1ª manga. PAUSA
15:15	“	Inicio da 2ª manga
17:15	“	Finaliza a primeira fase. Cambio de pescador e control.
18:00	“	Inicio segunda fase
20:00	“	Fin da competición.
20:00 a 20,45		Entrega de plicas

Publicación da clasificación. Na segunda xornada proclamaranse os seis deportistas ascendidos ao selectivo 2024 e farase a entrega de trofeos.

## BASES

O deportista, só poderá ter unha cana en acción de pesca. Non obstante, poderá dispoñer dunha ou máis canas de repostos.

Para a extracción da captura e a súa posterior presentación ao control, deberá facer uso dun redefol ou trueiro, cuxa lonxitude totalmente estendida non supere os 122 cm. A rede desta, deberá ser de algodón ou outro material non abrasivo.

A adxudicación dos tramos farase por sorteo, feito en tempo e forma, para garantir a chegada a tempo, para o inicio da proba, de tódolos deportistas aos seus respectivos tramos.



DEPORTE  
GALEGO

A reunión do Pescador co control farase xunto á táboa que sinale o inicio do tramo, augas abaixo.

Serán válidas tódalas capturas. Aquelas que acaden un tamaño igual ou inferior aos 16 cm, medidos dende a punta do fociño ata a punta do rabo, contabilizarán coma de 16 cm. As capturas que midan máis de 16 cm e non superen os 17 computarán coma de 17 cm. Os exemplares de máis de 17 cm e que non superen os 18 puntuarán coma de 18 cm. E así sucesivamente.

### Material permitido:

- **Canas.** Libres, de uso comercial, cuxa lonxitude non exceda de 366 cm. (12 pes).
- **Carretes.** De uso opcional sexa manual ou automático, de bobina xiratoria.
- **Liñas.** Cola de rata de calquera composición ou forma das habituais do mercado, cunha lonxitude mínima de 22 metros e cun diámetro mínimo de 0,55 mm incluíndo o recubrimento.
- **Baixos de Liña.** Sinxelos, de lonxitude como máximo dúas veces a lonxitude da cana, anoados ou sen nós, e cónicos ou cilíndricos. Non se poderán engadir ao baixo de liña mecanismos de afundimento ou flotación. Os baixos de liña non poden ter elementos adicionais adheridos ao mesmo distintos aos codais que soporten os reclamos. Estes codais deberán ir fixados ao baixo de liña, anoados ao mesmo ou mediante micro argolas ríxidas sen sobranse algún, e deberán ter una lonxitude mínima de 5 cm. dende o baixo de liña ata a argola ou paleta do reclamo empregado (mosca, streamer, etc...). Os codais dos reclamos fixaranse ao baixo de liña de modo que non poidan deslizarase ao longo do mesmo.

### Permítese:

- O uso de liñas flotantes e de afundimento
- O final da liña o uso dunha lazada para conectalo baixo de liña.
- As moscas lastradas, sempre e cando o lastre quede oculto polo revestimento, que debe imitar algunha parte morfolóxica, ou formar parte da súa propia estrutura. O revestimento por pintura non se considera como tal.
- Unha única perla ou boliña visible no anzol. A dimensión máxima desa perla non pode exceder dos 4 mm.
- Un máximo de tres moscas: Cando se empregue mais dunha, a distancia mínima entre moscas será de 50 centímetros, medidos cando estas penduren libremente.
- 
- O uso de "streamer" e as moscas artificiais flotantes ou afundidas que imiten calquera das fases do ciclo vital do insecto imitado (larva, ninfa, sub-imago e imago), montadas sobre anzois simples.



DEPORTE  
GALEGO

### **Non se permite.**

- As cabezas disparadoras ou lanzadoras.
- Engadir pesos e dispositivos ou materias flotantes ás liñas de pesca nin indicadores de picada.
- O uso de liñas de corpo chumbado.
- O uso de imitacións que desprendan colorantes ou olores.
- Os anzois con arponciño ou lingüeta. Son válidos os anzois que teñan totalmente inutilizado o arponciño ou lingüeta, de modo que non ofrezan resistencia algunha á retirada.

Ao longo da proba, calquera control pode pedir o exame dos aparellos de pesca dun deportista.

O deportista que non se presente, ou abandone a proba ou a acción de pesca, antes da hora oficial, perderá o seu dereito á clasificación e a continuar na proba.

Os seis primeiros deportistas clasificados obterán praza no vindeiro campionato selectivo da especialidade. No caso de que algún deses seis postos o ocupase un deportista que xa teña praza no selectivo, correrase a clasificación tantos postos coma deportistas do selectivo ocupen esas prazas. En ningún caso ascenderán máis de seis deportistas.

**O campión autonómico obterá praza directa na selección galega que represente a Galicia no campionato nacional da especialidade 2025.**

Para calquera outra norma non descrita nestas bases aterémonos ao que resolva o xuíz da competición ou o comité da proba .

Os clubs deberán de inscribir aos seus deportistas exclusivamente ao correo [ourensedelegacion@fgpesca.org](mailto:ourensedelegacion@fgpesca.org) ata a data linde do 26 de abril do 2024 ás 12,00 horas, (agás no caso de Ourense e Pontevedra)

**Os deportistas convocados para esta competición son os que se relacionan no ANEXO I destas bases, (os deportistas clasificados por Ourense e Pontevedra serán engadidos o día 28 de abril)**

Para participar será imprescindible ter a tarxeta federativa do ano en curso e licenza de pesca fluvial en vigor.

Tanto os deportistas participantes coma os clubs polos que participen, teñen que estar ao corrente das súas obrigas coa FGPeC.

Queda terminantemente prohibido o consumo de tabaco no transcurso de tódalas competicións oficiais organizadas pola Federación Galega de Pesca e Casting, dende a entrada aos postos ata o final da proba, establecéndose as correspondentes sancións, se é o caso, para quen as incumpra.



DEPORTE  
GALEGO

Na última manga do 2º día tanto o deportista que pesque un tramo coma o deportista que o controle, serán responsables de recoller cintas e indicador do tramo. Os que pesquen ou controlen o tramo un, serán responsables da retirada das cintas e indicadores de fin de tramos. Os que pesquen ou controlen o dous retirarán o un. Os que pesquen ou controlen o tres retirarán o dous. E así sucesivamente ata o último tramo, que deberán retirar cintas e indicador do seu tramo e do superior. O material recollido debe ser entregado á organización xunto coas plicas. A quen incumpra esta obriga poráselle un cero nesa manga, tanto ao pescador coma ao control.

Os deportistas terán un prazo de 30 minutos, a contar dende o remate da quenda de pesca, para enviar foto da plica ao número de teléfono que se lles indicará no momento do sorteo. Esgotado ese prazo sen recibir novas da plica, nesa quenda o deportista interesado puntuará cero.

No tempo que os deportistas estean pescando ou controlando, non poderá acceder aos tramos ningunha outra persoa, teña ou non relación con eles, agás o xuíz e os membros da organización. Se algún dos dous (deportista ou control) se decatase da presenza de terceiras persoas no tramo de pesca, deberán facelo constar na plica como incidencia. De non facelo así e a organización ter probas fidedignas de que houbo outras persoas no tramo mentres se desenvolvía a manga, quedarán fóra da clasificación desa proba tanto o deportista coma o control.

Alterar ou entorpecer o normal desenvolvemento da proba será motivo de expulsión inmediata da mesma

A organización non servirá nin fará servir ningunha sorte de avituallamento.

Inscribirse nesta competición significa aceptar ser incluído no grupo de wassap da mesma sen previa solicitude de autorización.

**Asinado: D. Juan Ramiro Agra Requeijo**  
**Presidente do Comité de Salmónidos da FGPeC**



DEPORTE  
GALEGO

## ANEXO I

### DESCENDIDOS SELECTIVO 2023

- Óscar Rodríguez González (APD Librea)
- Iván López Buján (Rio Neira)
- Carlos Gesto García (Sta Comba)
- Yago Rodríguez Romero (Barbanza)
- Xoel Bouso López (Amigos do Miño)
- José Luís Vilasuso Paz (Venatoria As Pontes)

### CLASIFICADOS PROVINCIAIS 2024

- David Arcay Fernández (Salmo)
- José Manuel Socastro Gens (W Latorre)
- Iago Pena Leal (V. As Pontes)
- Jesús Francisco Bolaño García (Barbanza)
- Alberto Gómez Carro (W Latorre)
- Julián Nieto Ferreiro (Sta Comba)
- Jorge García Duarte (Sta Comba)
- Juan José Verde Vázquez (W Latorre)
- Alberto González Bóveda (Barbanza)
- Alejandro Pérez Trebolle (Río Neira)
- Alberto Mariño Rochela (Dánica)
- Alberto Luengo Rodríguez (Dánica)
- Alvaro García Veiga (Rodeo)
- Santiago Domínguez Martínez (Club Pesca Monforte)
- José Luís Díaz Díaz (Amigos do Miño)
- Lucas López Macía (Club Pesca Monforte)
- Marcos Gayoso Varela (Pescadores da Ulloa)